

虛  
受  
堂  
詩  
存

虛受堂詩存卷七

長沙 王先謙 益吾

寓居虎坊橋南曉起卽事

以下庚午

心遠何嫌近俗囂。庭階清氣襲蘭皋。幸無鹽米爲身累。猶有琴詩耐手操。鳥翼撲窗拖雨重。人聲隔市破煙高。南樓睡足披衣起。句當今朝酒似陶。

呈寶佩蘅師三十四韻

激。運會三元首明良。一德遭異聲。巢閣鳳神力。冠山鼇感。激。先皇世誠宣。劇職勞謙言。存府莢正色。斥邪。高。帝眷同忠鯁。天心衛俊髦。曲江容映綬。梁國頓。

旌袍履躡星辰上。輪扶日月高。總樞司北斗。熙績肅南  
曹。析理綱俱綜。陳詞義不撓。度支無濫給。管籥必親操。  
武庫高名並清門。舊蔭叨絕倫。經植柢餘暇。筆飛濤記  
捧殊方。詔曾驅瀚海。駢氣溫番草。木光動漢旌。旄  
石丈思聰聽。蘇卿惜薄裊。並師詩集弔時知慘怛。引古  
自蕭騷。大漠秋盤隼。穹廬夜割羔。用心開境界。遇物洩  
甄陶。嶽立詞林重。雲深禁苑翱。盈廷皆國寶。接席  
獨詩豪。楚產材非梓。公門種作桃。一鳴驚挺拔。十載困  
嘲嘈。苦乞翳桑飯。狂題餞菊餽。借籌親列柵。炊劔伏征  
艘。不作昂霄舞。徒悲逝水滔。插貂班忝廁。騰虎匣難韜。

藤杖恆春在雕輪逐歲膏遙聞抗電氣近見益霜毛永  
佩丹忱苦從陪白戰塵照心慙慧鏡換骨覲仙醪鸞鶴  
宜長嘯騏驎本異槽淵源幸不隔必佩呂虔刀

恭奉典試雲南之

命途中卽事奉贈汪敘曉

蓉洲同年編修

湛露垂天極文星照古滇同班齊連犖分道各聯翩謂貴

州考官張

劉同同年五日期期迫重門鎖鑰堅拜

恩辭

闕卜街

命赴窮邊地絕西南境戎興十九年杜弢

潛恣肆馬武遂拘攀蠻觸初成覺淫昏錯與權周疆莽  
烽燧禹貢寂銅鉛小箭矜誇好高牙逼迫眠衣冠番漢

半溝壑士民駢終是

經綸密俄令反側悛田州開

組練洱海沃腥羶舊俗疲戈戟新儀習豆籩此行關

漢運合宙戴

堯天溽暑銀鞍外涼風鎖院前計

程排驛馬舉步戀花甄萬里裝囊遠干官侍從便影低

宮扇日夢繞

御爐煙忽忽停蕭寺悠悠越逝

川翠移山赴涿青合樹浮燕打麥連倉積修渠引溜穿

有時飛擾雉隨意聽鳴蟬道路難何怯輜軒職已專招

尋資獻納蘊蓄具陶甄夙契聲盈耳從叨坐比肩和衷

斯濟美持鑿在無偏潤色中興頌提攜闕歲賢與君敦

勉意著眼故青氊

魯仲連墓

戰國好奇計說客徒紛紛誰知冥情者排蕩霽秋雲飛  
書動燕將掉舌卻秦軍拂衣去東海千載如浮雲測彼  
仁義用庶同孔孟羣幽光墮陰坎感弔對斜曛古來高  
蹈人理亂遂不聞吾愛魯連子聞然而有文

光武故里

漢光起白水襄鄧集良材再得豫州牧徐葛共裴回其  
先豐沛閒賢佐匹雲臺中山翊明主鳳穎固有開

聖代初入關從

龍亦美哉吾

皇中興業湘皖

拔蒿萊雖曰運會盛經營有元胎造化本至公今古理

屋受堂詩有 卷七  
三  
可該成之在君相何地無長才

偶成

炎歊鬱蒸風夜顛雨洗原野綠且鮮濃膏過麥發蔥蒨  
積陰傍樹相留連野夫疏水苦未已稚子搏沙肥可憐  
肩輿趁人自張幔驕馬踏地不須鞭微涼欲煖引薄酒  
小睡忽覺聞幽泉一聲清磬出林表時有孤僧來索錢

樊城寄懷子美

輕衫涼簟意猶閒眼底川原取次還築堰更誰疏白水  
沈碑空復指方山平生尊酒時相憶昨日流歡豈再攀  
六月炎雲如火織想君橫劔入秦關

時隨李公  
改赴陝西

宜城驛舍

倉皇排日就長途。瀟灑今宵對畫圖。繞屋浮嵐生月暈。  
滿林積雨散風珠。北來舍館囂塵雜。南去鄉山暮靄孤。  
物色不如茲邑好。飽傾佳醞坐青膚。

東湖縣

籃輿出高嶺。烏墮霞氣表。大江向我怒。負地洶欲倒。層  
城沒樓堞。百里白浩浩。欲進屢遲回。知幾懼不早。哀哉  
東湖民。半作魚鼈老。行舟卷濤頭。破屋冒樹杪。連宵江  
更漲。怪物露鱗爪。天不閔斯人。庚辰未可禱。伐蛟周月  
令。今胡任翻攪。太息古制微。閩里色枯槁。棲跡東山岑。



每飯忍獨飽。晚來更愁絕。雷雨助陰官。苦憶去夏時。閉戶坐霖潦。洪湖壅不洩。湘沅迷故道。乾坤患氣深。今歲未可保。南雲送極目。倚檻怒如擣。

甘泉寺

時貴州苗亂。驛道改四川。此次峽中江漲。改由長陽恩施。利川出萬縣。

沿江轉溪曲。古構闢崇基。人稱漢代豔。跡有姜子遺。惟土不愛寶。誠至物自歸。王冰與孟筍。神鬼相扶持。矧茲雙美合。天地有光輝。范氏不兩傳。歐公方獨疑。白雲自來往。胥蠻在靈旗。醉以泉水甘。薦之江鯉肥。精靈遇彷彿。感歎涕交頤。願闢楚語惑。永垂來許規。

青杠坪

高堰至青杠頗具三峽勝羣山合四圍大木參千仞其  
旁產慈竹泠泠發光瑩炎曦避恆陰幽禱詎可竟長溪  
亘我側亂石激相迸焱騰駭駐目砰礚塞傾聽逝波疾  
如矢盤渦圓若奔雖無蜀江雄千里有餘勁中得天心  
坡壯觀何峭峻危梯轉高壁積鐵發蒼潤青冥壓其脊  
矯首意欲奮驚縱修虵奔咆空孤隰橫深坑俛千尺側  
足愁踳蹬亂蛩哀夕陽我馬不能進嗟此靈異區奇氣  
天所孕不置通都間蠟屐誰發興徒聞樵夫唱永謝詩  
老贈鬱鬱幾千秋高標矗孤映有如空谷女絕代無人  
問觸感寫淋漓悵然不成詠

關口壩

賀佳入百里怪險不一狀層崖匪孤懸曲磴亦屢上流  
泉落萬派交道不容障細石互有情回波巧相盪與夫  
愛清涼每飲必滿量余亦漱巖乳味甘如野釀午日沈  
峯高疏風延野曠乘興方獨往未害腳力壯

勸農亭

天門飽星飯乃憩勸農亭賴有客途阻獲此旅況清環  
山納軒窗潑翠成圍屏雲多遲在意鳥有求息聲止水  
得靜性洒然鑑我形深襟產陰巖含風韻泠泠主人頗  
賢達佳兒喜逢迎安客竹匡牀勸客蜀黍羹數朝色無

倦得酒意更傾醉。臥白日高微醺。月在楹。何苦逐宦海。  
偷薄兼相。仍茲焉甘寂寞。殆庶養吾生。

苦桃溪

五日不出門。晨起遵塗。疾程期既迫。促徒侶各馳。鞅回  
首望舊居。几席粲在室。明知寄跡地。奈有可憐色。午雨  
洗蒸鬱。秋風報蕭瑟。投青一徑生。轉綠千巖逼。坡陀極  
宇宙。登頓倦筋力。我人越溪行。鴉聚昏林黑。

野三關

西上野三場。長風吹濺濺。側俛千仞壁。天倚橫磨劍。南  
巖更雄秀。爛若明霞絢。騰擲翻在外。回護有餘戀。低身

下古渡。眼底雜花眩排空。駕長虹。衝岸掣飛電。回峯一  
相。蹙彭拜萬珠濺。忽似到江南。燕磯扼深壑。伊昔土司  
居。設關備征戰。連天並雄楹。容美獨狂。廟馬知百年後。  
帖耳無傳箭。世宗神武姿。聖德動遐睴。  
靈區憑險棘。遺谷服勁健。終賴賢有司。薰蒸得丕變。緬  
惟撫。虐理今古捷。郵傳何須罪。真宰覩此芻蕘獻。

落水洞

廣路翼飛橋。橋下有通津。流波灌良沃。一伏渺無垠。方  
知造化功。體用固兩神。不似俗世子。老死苦求伸。憑臨  
愜所憩。光景澹清晨。青稻夾黃梁。高下交橫陳。昔我去

京國禾麥甫懷新。今我來巴山。錢罇聚龍鱗。旣忻物候  
盛。更乞晴滿旬。豈不憚徂暑。庶以甦農民。眇茲方寸內。  
獨抱天地春。所愧處塵網。空食徒拖紳。

施南逢余季持

余名思訓時  
知咸豐縣

落照清江上。伴來接笑言。仍驚適小國。何日有殊恩。王  
事馳驅急。世途憂患繁。無心醉巴酒。爲子一開尊。

黃草坡早發

洞赤前朝穴。草黃今日坡。空山走靈怪。陳跡闕苔蘿。林  
密曉光窄。峯高涼意多。向來饒古趣。飄瞥惜經過。

石板頂二絕句

虛受堂詩存

卷七

七

茸茸水髮碧於田。毳毳山毛綠入天。一徑飛蛇蛻鱗甲。  
不辭蹭蹬苦蜿蜒。  
清風飄蕭吹裳衣。秋色平分入遠霏。白雲送我石板頂。  
鶴嘯一聲山月微。

萬縣道中口號

楚中風物在圖經。齊岳山頭限地靈。萬樹紫荊秋借色。  
花開不到輓兒青。

高巖複嶂與雲齊。綠樹蒼煙盡日迷。惟有同羅關外過。  
俯看西北萬山低。

尖山

尖山如馬耳。孑立天使獨。眾峯皆兒孫。趨走競匍伏。四面相拱向。帶圍青玉束。中央特隆然。有若彈棋局。疑是昔天帝。博箭發興足。戲賭擲人閒。一笑變化速。前登陟其椒。顧盼豁心目。我意結茆亭。終焉吉可卜。軒窗拓宏敞。萬象不局促。日月枕其旁。雲霞出掌握。朝隨鶴吸露。夜與猿棲木。痛飲無春秋。棲神遂崖谷。如何投跡暫。回首惜幽壑。草樹無主持。含情爲誰綠。

萬縣

執策每先旦。尋塗更陵緬。雞號四野迷。馬踏千山轉。汎路髮如沐。臨江心乍展。奮楫乘中央。朝陽棲絕巘。宿禽



駭煙。蔡游。龜負。水蘚。疾破。灘石。懼乍。可城。郭辨。旗鉦。馳  
俗。觀軒。纓助。暑喘。撫茲。囂滓。集坐。覺世。味淺。寄身在官  
舍。餘閒。歷所。遣靜。翫循。屏流。東逝。無畱。眇緒。風涼。在袂  
新。月。光盈。簾熱。惱一。以空。澄懷。了無。玷道。由推。遷悟。理  
得。勞逸。顯所以。古岑。公遺。棄夙。昔趺。

白兔亭

山椒有  
飛瀑

峻。阪。當。頭。上。飛。流。洗。眼。看。破。煙。開。古。洞。疊。雪。下。層。巒。香  
茗。殊。相。稱。甘。泉。不。帶。寒。絕。爲。天。覺。品。奇。入。石。湖。觀。寺。外  
斟。雲。液。亭。前。煮。月。團。剔。苔。尋。舊。跡。倚。檻。起。長。歎。勝。國。初  
艱。步。孤。臣。亦。瀝。肝。如。何。侈。符。瑞。坐。見。長。權。奸。  
亭前有明  
代夏言所

上白  
免頌

汪同年過長壽觀省卽事奉贈

遠。道。同。爲。客。高。堂。獨。省。親。庭。趨。驛。館。肅。江。浣。綵。衣。新。朱。  
履。遲。升。坐。黃。眉。秀。出。塵。飄。蕭。元。鬢。髮。歡。喜。自。精。神。拜。賀。  
羅。官。府。喧。闐。雜。里。鄰。力。緣。稽。古。得。氣。始。義。方。伸。昔。日。恩。  
遭。杖。微。躬。忝。荷。薪。松。楸。青。已。拱。長。此。淚。盈。巾。

入永川

佛。圖。關。勢。舊。崔。嵬。驅。馬。平。原。亦。壯。哉。江。水。茫。茫。流。字。去。  
海。棠。冉。冉。帶。香。來。珍。禽。集。木。孤。防。彈。雉。鹿。登。崖。滑。避。苔。  
老。我。功。名。身。外。物。清。尊。能。得。幾。時。開。

寄贈周渭臣

家。法。能。傳。細。柳。營。軍。聲。久。重。錦。官。城。猛。摧。石。李。無。遺。鏃。  
橫。掃。階。秦。有。繫。纓。況。是。當。恩。更。輕。敵。於。今。學。語。盡。  
知。名。據。鞍。顧。盼。吾。猶。見。底。甚。年。來。髀。肉。生。

贈徐正齋

徐名斯匡官敘永廳同知

舊。歲。成。都。同。載。酒。仲。春。三。日。浣。花。溪。澗。潭。水。暖。知。魚。樂。  
苦。竹。叢。卑。聽。鳥。嘯。最。惜。詩。人。鄰。厄。運。尙。憐。吾。輩。等。閒。棲。  
於。今。爲。別。俱。官。守。風。雨。將。秋。送。馬。蹏。

女拽輿

黔。山。千。仞。高。不。異。楚。蜀。區。僕。夫。初。首。路。婦。女。亦。前。趨。借。

問何所爲爲官來拽輿居人死亡盡比戶正彫枯及今  
十年來驛騷滿道衛生女勿裹足且復備官須先王設  
陰教無令出門閭貴賤同一理斯人實無辜間民轉執  
事古不及妻孥惻然罷其役回首遭追呼干戈塞邊徼  
窮子嘯路隅方知石壕婦苦語良非虛

輿夫歎

荆棘結不解仄徑穿逶迤輿夫困登頓趾裂血濺肌道  
旁坐歎息請陳前亂時苗頑負其固躍馬拔漢旗人空  
豺虎橫草樹迷天涯桓桓賢制府劉公嶽昭拔木行道夷置  
驛通賓客責專誰所治胡然阻蕪穢毋乃棄官司落日

猶在野不敢瞋稽遲添陪大夫列惡彼小人辭

### 毒瘴行

清晨陟峻嶺頃刻失周行天地不辨色中邊皓茫茫忽  
如躡虛空雲駕參翺翔咫尺但聞語從者爲徬徨尤者  
難斑駁紅紫騰奇光遇之閉爾息不則毒肝腸伊余載  
帝命矜寵歷遐方此生豈不化夷險隨所將風霜  
幸見驅精氣爲周防前行何用問且復食檳榔

### 畢節道

崎嶇畢節道死人積邱壘觀者暗咨嗟云此湘營勇滇  
軍因外糧饋饗不繼踵稍稍給資斧遣使返田隴從軍

亦。有。年。履。缺。衣。破。孔。土。酋。隱。窺。伺。殺。之。取。輜。重。國。殤。且。  
無。命。旅。櫬。誰。見。奉。月。黑。天。蒼。茫。冤。魂。空。憤。踊。此。邦。籠。杠。

豪

黔稱土賊  
日籠杠

四。境。蠢。然。動。大。官。事。姑。息。內。患。自。遺。種。遂。

使。行。李。危。時。聞。道。路。壅。孟。輿。猶。在。薛。張。騫。今。鑿。空。裴。回。  
林。茂。密。偵。探。山。龍。從。仗。節。候。晨。光。千。騎。風。旌。擁。

過威甯海子二首

秋。光。半。老。隱。巖。扃。曉。色。含。清。入。野。亭。水。面。宿。煙。猶。淺。白。  
山。頭。密。樹。且。深。青。  
朱。旗。塵。遠。去。人。微。萬。頃。湖。光。碧。上。衣。潛。鱗。騎。客。時。時。出。  
野。鳥。迎。船。故。故。飛。

行次宣威

山開平野冥濛裏。人在征塵曠莽中。遠道頻驚歲月異。  
殊方猶幸語言通。石籠江上聽秋雨。安國寺前多晚風。  
此日去天應萬里。莫教回首碧虛宮。

病起

萬里長征秋又回。殊方落日易含哀。壤垣草長無人到。  
廣陌榛荒有虎來。野步獨尋嘉麗澤。鄉心遙寄定王臺。  
惟將旅病供詩料。況是兵塵對酒杯。

北極

北極無端憂患生。茫茫噩耗使人驚。不應中土畱豺虎。

可有冤魂泣孺嬰。番舶走波思。構難津門繕。壘急屯兵  
和戎自古無。長策謀國於今仗。老成

泛滇池

兼旬對客胸襟。一息登樓境界寬。酒力滿傾雙海窄。  
詩心沈浸六河寒。極天兵氣連移棹。驀地鄉愁上倚欄。  
焉得春時更乘興。湖光吐納萬峯巒。

送劉采九之任元江州

劉名鳳苞  
同年庶常

仙鳥低飛入瘴鄉。萬峯南迤盡炎方。霧痕綠鎖檳榔老。  
嵐氣紅蒸荔子香。已用深心爲保障。更堪餘事振琳琅。  
滇中山水荒寒甚。點染從君細主張。



留別中式諸生

四千人裏擷蘭芳，十九年來韞玉光。  
汲引豈能無禹稷，遭逢還許繼蘇楊。  
曲江喜共題名席，梵夾疑迷古戰場。  
但願諸生勉忠孝，不妨陸氏有荒莊。

歸客

秋盡冬來客正歸，出門始覺朔風吹。  
白雲忽暗已成雨，黃葉半紅思別枝。  
野曠傷心迷瓦礫，城高回首颭旌旗。  
乍辭熱惱投涼冷，自整重裘下薄帷。

至宣威

極望何寥闊，地高天乍昏。  
長風度絕壁，落日淡平原。  
水

淺橋梁斷山回村塢喧無勞問前館候騎擁干旛

贈方

桂芳

紹棠

方知宣  
威州

崔郎鉏姦急乖崖畫像新此疆競罷敵爾位獨精神撥  
亂才難得防患論豈真勤勤迎送政越境犯霜塵

又過威甯海子貽嵩祝三

嵩名年知  
威甯州

君不見威甯城西有海子緣以連山百餘里蒼波噴浸  
石壁根太古天涵開闢水棹歌忽發舊遊處舟師爲客  
言所以昔雖有海不爲偏是自咸豐末年始積潦崩騰  
日益肥公田漂沒嗟胡底年歲漸深靈怪興蛟龍窟宅  
稱於此向來疏鑿施人力濤瀾騰踔雷電起又聞往者

回作逆東川煙塵塞弧矢州城阻海獨見全是歲巨漲  
淳清泚神能造福肯爲殃焉得於今不思徙州南萬嶺  
插天關豺狼出沒林箐間昨日經行金斗鋪細雨滑徑  
雲黑山旌旗飄颻隱谷口矛戟森疏夾左右尙識從來  
帝命尊又感使臣詞意厚道旁扶服願供役渠魁  
導前徒擁後深宵擊柝館驛旁童僕不爲囊橐守古來  
感格出精誠鴟集於林虎遁走嗟彼凶人尙懷德豈有  
靈物甘蒙垢二害俱煩滌蕩功願展材力不束手我聞  
刺史甚仁慈中流感慨爲此詩潮州鱷魚狂且惡萬禩  
不滅韓公祠

隆冬

隆冬淒緊客思歸行盡南天物色非結屋舊無杉草聚  
載塗今覺水泉稀山生不盡雲含凍風送無邊葉打圍  
料得洞庭波祇瘦雪花待欲上征衣

行次赤水河二首

手僵判早起心穩脫殊方盜賊天涯滿馳驅日下長雲  
來斷嶺合林老故蹊藏卻憶通明隔寒空獨鵠翔  
白巖催客遠赤水近人流方玉曾堪記遺珠又可求浮  
生有道路引興任春秋落照明黔蜀千峯色不愁

清夜

虛受堂詩存

卷七

古

疏襟清夜豁長嘯激人寰野樹稀相對柴扉破不關泉  
聲流暗圃月色靜深山村老和筇倚呼僮且未還

題贈許生

印芳

茆山五塘詩草

一笑得山谷祇慚非老坡鐘鏞不諧俗藻鏡昔爭訶及  
對詩篇好翻思屈抑多平生期許意豈獨在魏科

自永甯買舟下納谿

蜀塞通舟便雲谿帶石欹今朝一解纜頃刻盡揚旗舊  
識藤纏壁新多竹插籬寒煙浸空闊細雨灑迷離知命  
原无險全生每用奇江門傳有峽應不異平時

卽目

呀石深開洞危崖巧貯樓泉飛剛覆額溜急總迎眸散  
若連珠迸長難匹練收月淘今古夜風入歲時秋蜀國  
爭奇境廬山續勝遊就中高臥者耳目洗煩憂

薄暮

薄暮發船打鼓急長年三老齊奮楫憑陵大叫氣力巖  
灘石怒號江水立曖迺之歌何處生當年泣舜斷腸聲  
用唐人詩語蜀人相喚不知語望帝魂歸山月明

江陵感懷

大江日夜東奔騰送人千里出江陵江陵隄上一回首  
猶見蜀山天外青雲帆沙鳥知無數月光明滅煙中樹

感恩懷舊長歎息何處高樓夜吹笛

入洞庭

迢遞綠洲尾依然入洞庭江湖雙逝鳥楚蜀一漂萍舊國艱難到孤舟輾轉停傳言向南斗不必避文星

酒後賞雪舟中

薄醉不自倒銜杯對玉山猶能醒詩眼何處看塵寰風弱舟微重天空鳥任閒光搖明鏡裏復訝失酡顏

虛受堂詩存卷八

長沙 王先謙 益吾

展墓作

以下  
辛未

弟病不偕往。余歸祇獨悲。友飛胡蝶紙。雨泣脊令詩。春色寒高隴。斜陽拭舊碑。肩輿人自瘦。愁重故須遲。

聞楊商農選得校官

楊名書霖  
長沙舉人

夫子淹京國。驂駟慘不前。徒虛郤詵策。且坐鄭虔羶。錯莫從人說。才華好自憐。無由寄消息。灑涕楚雲邊。

贈別萇階一首

少小同會文。將子於我館。蘭芽茁獨秀。玉立眾席煖。余



家富曩季語樂畏日短看子放學歸踽行增歎惋歎惋  
良未央到今十五霜愛子便便腹湛然經籍光材秋落  
我實漁古提其綱取此陋巷樂持以奉高堂青青堂前  
松蔚蔚堂北草掩映遲日間容色何鮮好德門有至味  
長路跡如掃媿我南北人枉爲功名老功名復何事慘  
澹千里志雖有菽水謀豈報劬勞意薊門已銜 詔

滇海初返嚮文章寔致身焉得辭况瘁况瘁非一朝如  
何更蕭條茹荼不云苦種荆又已凋平生憐子意自願  
淚如澆一爲孤樹根一作獨葉飄孤根尙著土獨葉飛  
不息今日攜手行來朝遠相憶無爲效兒女德業各努

力照子他時顏玉堂風月色

別弟

淚盡不能聲。天河爲我傾。雲山睇楓浦。風月在蓉城。今日別君墓。舉家歸帝京。蒼茫託身世。忍慟惜浮生。

秋日南津澗寄蓬海

朔風度湘水。新雁下紛紛。回首東湖外。長天空白雲。此時哀遠客。佳句遣誰聞。昨日長沙宅。聯吟倚夕曛。

示龔甥

女母依余母。余行女亦行。團欒萬里路。骨肉兩家情。不獨工文事。還期裨世程。嶷然頭角在。宅相幾時成。

痛哭

茫茫客感仍當夜鬱鬱冤魂總不平  
月色來經孤豕冷湘波去擁一家行  
艱難已負生前約痛哭誰知死後情  
從此爾形休見夢重余悲慟恐傷生

劉忠壯公挽詞

公名松山廣東提督戰死甘肅靈州

龍驤

王壯武公鑫

兵法讓君攀百戰勳高且未還死日未平

金積堡生前誓掃玉門關  
旗開西賊猶寒膽  
櫬入南人盡慘顏  
賴有謝元能破虜  
英靈折屐上鄉山

贈劉京卿毅齋

劉名錦棠忠壯之姪

皇帝七載中原清大將二劉

忠壯及劉銘傳

俱盛名洛陽道中

入君營。旗鮮馬肥。塵不驚君。隨君叔出。揖客忠壯。就坐  
君侍側。可怪軍前。雷電身依然。庭下芝蘭色。此時大帥  
發。潼關湘軍檄。搗榆林北。潛身大樹。受指揮。意氣早失  
流沙磧。不待剗除。金積時已知。整暇能平賊。拔鬚瀝血  
馬化漚。赤手提擲歸左公家。仇國患一朝。掃金鐘大鼎  
銘其功。西風斜照湘水湄。慘扶忠骨還山陂。每言忠壯  
裏。創日至。性流血。四座悲。天下奇材。楚人有。西疆愁絕  
逋逃藪。此事焉能旦夕圖。皇天意待忠良厚。君不見古  
來青史上。錯節盤根俱不朽。行行急去心勿灰。勿使元

戎斷左手

有寄

翠尾金毛何處鳥，奮飛將子徒驚矯。  
得意長鳴城市中，見幾不與雲天杳。  
文采亦足糜爾軀，況今天地多且學。  
因風寄語秋來雁，慎莫相逢飛土彈。

懷甯別蓮生叔和綏園叔作

吾家兩叔最能文，一向燕雲一楚雲。  
江上口開花倚笑，酒邊腸斷雁離羣。  
當年茆屋三人聚，同鬪詩牌半夜分。  
無力招邀徒勸學，小舟扶病送斜曛。

愁絕

一年三百六十日，一日一十二時愁。  
舉家水疾到黃口。

老母江風搖白頭。面目暗驚祇消瘦。舟車望遠多幽憂。  
青山好去無錢買。曉夜哀歌繞舵樓。

故兩江總督馬端敏公挽詞

世事蒼茫那可摩。重臣飛禍亦嬰羅。不應鸞鳳銜  
恩詔。尙有蚍蜉撼大柯。聶政本非仇。俠累曹參況可繼。  
蕭何西湖攜手經行地。他日重尋哭逝波。

莫愁湖柬曾劼剛

江南眼入十分愁。及到湖邊萬事休。水宿連宵燈暗雨。  
風吹破帽客登樓。遙山溼霧仍侵曉。高閣孤尊自送秋。  
來歲尋君行樂處。夢中同上采蓮舟。

至瓜州適湘鄉師相已於是日發蘇州入鎮江矣

寄呈此作

上相巡邊檠戟齊陽春已近虎邱西夜龍銜劍凌菰渚  
曉鷁隨舟出柳隄賓從美談開廣讌士民喜氣振沈泥  
惟餘舊日登門客悵望孤吟落照低

哭李禹臣

天地難容恨因君淚更傾詩中殊有骨老死不知名家  
世孤屋續年華冷炙輕一壺無處奠羈旅若爲情

發清江

更向桃源路眷言江水清漲低枯岸腳雲凍裏風聲贈

登攜家去艱難。上閘行糧艘。試飛挽。緩緩亦長征。

泐水

泐水自空闊。冬深寒暗增。因風三日浪。不雪一湖冰。復作趨朝去。猶思放棹乘。應憐毛羽儉。孤纜繫殘鐙。

木蘭寺

湖頭木蘭寺。苔蘚閉崇基。僧是幾時去。樹從何處移。殘碑說功德。古佛閱華夷。自占郝山土。甯知戎馬悲。

寒夜

四千餘里謁。紫宸一百八日披。緇塵吟徹魚龍湘。水夜踏回草木。郝山春晚來湖上看。風色日見洲頭作。



主人誰報今宵寒更甚  
滹沱飛渡已如神

陪綏園叔夜讀

乞得江湖百死身  
伴君閒作讀書人  
每愁言語多無味  
況是年華日又新  
疑義奇文生突奧  
酒杯鐙影長精神  
卻逢甘苦深談處  
正憶鴿原血滿巾

聞自菴丈轉官遙以詩賀

五載遷除滯上清  
高才例得薄浮榮  
文章已自驅今古  
朝寧還應念老成  
未把聲名折官職  
漫教蘿薜奪簪纓  
近來佳句知多少  
載筆能忘荷

聖情

稚女

阿連遺稚女學語漸成音。日日矯呼伯，聲聲裂我心。  
一家生趣在萬里，客愁深誰信。泉臺哭猶聞，澤畔吟。

道中遇雪

時旅費乏絕  
赴濟南告貸

萬山終夜雪，風外亂鋪緜。晃蕩行無地，冥濛望入天。  
鴉翻齊化羽，馬渴屢嘶泉。寒樹依微在，迢迢不肯前。

卽事

朔風吹客起，比戶哭更殘。薪雪炊猶溼，池冰汲總乾。  
汁分殘粥凍，縷接破裳單。未必閣中臥，能知天下寒。

望歷下亭

李杜登亭去，湖中尙巋然。椎冰愁遠岸，立雪冷漁船。  
酒

必當炎設荷空自昔圓平生有古意邱壑總難捐

靜坐

巧拙情蕃變成虧理暗符一生皆有分萬慮不如無日出山河朗春來草木蘇清禽強解事朝暮勸提壺

送人之歷城

君自任城去甯陽宿一宵山迎三百里水約幾重橋石古總當路雪殘猶在條明湖冰儻解亭上試逍遙

東阿道中

東阿有行客囊澀復衣單山入黃河盡年隨白雪殘祇應憐晚晚乍可出嶺岵野店誰相勞三杯急御寒

至德州

今日潘輿穩艱難到德州攢眉伸不定拭淚憶還流風  
截薊門樹冰膠濟水舟新春早晚色消釋舉家憂

歲暮

歲入關河暮風兼宇宙摧日光浮凍出雪色鬪春開  
北闕經年望南雲遠道來奔波獨不息時事兩相催

靜海道中

匹馬平沙驛頽垣古樹村風聲連地動海色接天昏運  
極災猶降春生氣不溫蒼茫冰滿目民事怕重論

呈自菴丈

夫子深期迫歸朝。不見歸別來。餘敗履所得在。沾衣酒外。鐙頻燼。簷前雪。賸飛祇應慚。孔顛久接謝元暉。

除夕歸德州旅舍

飄蕩雖多恨。團欒也自誇。此身原是客。異縣況爲家。酒續迎年盞。鐙繁送喜花。誰能更愁寂。天地有生涯。

贈黃宗華

黃名兆昇善化人記名總兵督勇德州以下壬申

四海無兄弟。眞成行路難。遠遊問前館。幾地得新歡。羈旅安籌策。談言出肺肝。人云好身手。徒作健兒看。

逢人因寄長沙諸友

客途南使盡春至。一逢君。面目驚新。識艱難未飽。聞艣。

邊冰亞水。鐙外雪。霾雲爲報親。知道吾頭白九分。

舟行

春帆河上程。斜日水邊亭。船鼓番番打。村謳轉轉聽。潛蘇魚出沫。新浴鳥梳翎。喜得來舟報。冰開楊柳青。地名

贈周海船

周名盛。波淮軍統領。督勇駐天津。

市舶從來通絕島。儲胥只合護神都。將軍閉壘觀超距。上相臨邊聽鼓枹。共說亞夫屯細柳。不須文虎出平壺。頻聞對酒悲時局。金粟東南困轉輸。

答家人

紅桃碧柳無消息。不是行人也合愁。盡室當春思楚岸。

孤帆衝雪入通州。天工景色無平等。人境榮華莫強求。  
準擬歸時報青帝。倍還風日到南樓。

入宅

天外雲山實飽經。無端塵海結柴局。本非達宦稀車馬。  
難得奇書滿戶庭。近市漫疑揚子宅。卜居免寄息夫亭。  
年來偏迫傷人事。秉燭窗頭如夢醒。

偶成

雖無幽室養丹砂。寂寞吾生亦有涯。沽酒三春惟是醉。  
閉門一月不聞謁。已開小院栽叢竹。更插疏籬護晚花。  
爲愛西山好煙景。興來騎屋帽簷斜。

太傅曾文正師相挽詞

九。死。馳。驅。地。元。勳。坐。鎮。年。霄。星。悲。上。相。捧。日。已。中。天。災。  
澹。橫。戈。虜。功。收。夾。袋。賢。密。陳。藩。鎮。戒。苦。避。內。廷。權。大。  
節。無。夷。險。深。謀。極。轉。旋。白。飛。朝。士。簡。青。滅。海。門。煙。餘。事。  
存。韓。筆。他。時。有。鄭。箋。古。來。稱。不。朽。夫。子。必。兼。全。憶。忝。清。  
班。末。開。顏。講。席。前。後。時。思。范。老。此。恨。謝。坡。仙。終。惜。淵。源。  
淺。曾。爲。禮。數。牽。遠。遊。入。蠻。府。無。分。奉。樓。船。繼。起。文。疑。喪。  
吾。徒。道。莫。傳。人。材。關。變。理。公。望。失。陶。甄。宰。棟。三。朝。建。祠。  
碑。萬。姓。鐫。自。今。無。北。斗。涕。淚。滿。山。川。

遣興十首



南朔固異氣。景物有時妍。春風不自由。吹綠入幽燕。戲蝶時上階。鳴禽亦滿園。芳華誠可貴。攬景歲云遷。生意雖滿目。一瞥如流泉。念此省百慮。心灰難再然。老彭號多壽。八百遂不延。沒世苟無稱。永爲來者憐。

夸馳少年場。三五自成列。輕車追繡幟。怒馬齧金埒。聯臂入狹斜。開筵召豪傑。酣歌食斗酒。放蕩無禮節。賢愚一邱貉。何爲自苑結。此樂誠未央。不用悲華髮。如何有離別。雞鳴絃管歇。雲散不成歡。千秋腸斷絕。

貴賤有定分。達士守其常。長安無緩步。騎從亦皇皇。君看塵土中。流汗走且僵。勤苦不自惜。知者爲憐傷。

冲情謝徵逐。匿迹避榮華。若無遺慮。方何以送羲娥。聖賢不相待。垂教理則那。正恐後世人。懷古空咨嗟。槎牙園中樹。春盡有榮柯。把卷至其下。徙倚長吟哦。酒美聊可佐。詩成還自歌。懷矣荀子言。暇日不敢多。

吾憐竇將軍。富貴爲孥戮。方其薄高官。亦頗拔流俗。諍言兩不用。屏處藍田谷。藍田山色佳。終老非局促。一朝權勢去。交態多翻覆。墨墨投禍機。騏驎戀羈束。焉知求道者。外輕內自足。本不慕浮榮。終身復何辱。

閱世厭澆薄。屏居避塵撓。當關禁報客。頗爲僮僕驚。憶昔解痛飲。折節爲友生。一朝忽不樂。清醕排日傾。伯倫

固放縱。乃以酒爲名。如何促齡具。猶得近淵明。五斗非  
所戀。百壺不辭盈。此中有妙理。達者會其情。

皇天無偏照。后地無私蓄。大寶雖希聲。千秋豈終伏。南  
國有荆山。其中產美玉。累遭匠石唾。不悅賢王目。方知  
絕世姿。輕出猶非福。卞和強解事。痛哭空無足。

結交冠蓋場。不如委巷中。委巷雖寂寞。其人多古風。我  
心何怫鬱。結思漢之東。信誓猶在耳。意氣徒豪雄。嗟彼  
輕薄子。指顧浮雲空。誰信蕙蘭花。化爲荆棘叢。

返景在林表。羣鳥集庭軒。雛來繞其母。啣哺如知恩。飛  
鳴自歡戀。千百不爲喧。號以曾參子。凡禽更無倫。吾鄉

少。此。物。聞。之。呵。且。瞋。明。知。無。足。怪。陋。俗。自。爲。羣。芻。尼。得。  
美。謚。百。舌。爲。好。言。太。息。告。汝。烏。南。去。聲。須。吞。

積。雨。生。蒸。溽。青。蠅。塞。庭。除。惡。其。聲。營。營。執。塵。不。能。驅。棄。  
置。復。歎。息。物。情。良。獨。殊。賢。俊。爲。庸。奴。小。兒。成。丈。夫。韓。非。  
有。孤。憤。議。論。空。區。區。滔滔。春。秋。間。尙。有。大。聖。徒。誠。至。無。  
不。動。況。爾。非。豚。魚。

口占

一。鴉。警。深。林。眾。鴉。噉。而。應。須。臾。聲。四。散。曉。色。含。窗。靜。倦。  
眠。自。爲。美。息。心。如。入。定。歎。息。朝。市。人。紛。紛。各。趨。競。

送黃佩皆之金陵

忠壯之弟

送子仍爲拔劍哀。去年秋入廣陵杯。卽今薊北成離席。  
容易天南覆舊醅。壯歲江湖餘涕淚。故人意氣不塵埃。  
兩花臺畔尋遺壘。誰見樂城痛哭來。

張叔平製扇帖見贈奉酬

張侯非雅亦非俗。中隱曹司老更狂。六角題橋自爲美。  
百錢閉肆庸何傷。石金刻畫出奇製。懷袖動搖多古香。  
團扇家家傳近事。未應癡絕笑長康。

九日陶然亭二首

江氏一亭古秋來。九月涼西山不離。坐南郭此爲強儘。  
對連峯好貪看野水光。歸來覓漁樵和夢入瀟湘。

復憶登雲麓。迎人楓菊翻。茲晨無好景。隨步得高原。落日對愁客。秋風撼病魂。茱萸插滿眼。兄弟有誰存。

除夕書懷

萬方烽漸息。雙闕喜無邊。縱使浮生累。甘爲世事牽。問更非舊歲。扶病入新年。束縛微官在。椒盤又到燕。

虛受堂詩存卷九

長沙 王先謙 益吾

喜聞貴州苗平重悼黃忠壯公

以下  
癸酉

古州傳箭動巖疆尙憶

高宗克鬼方三捷勳名

歸宿將百年志事繼

先皇獨憐勁旅開前路已

擲忠肝作國殤不識戰酣風雨夜靈旗甲馬定何鄉

題劉復堂邊城奏捷圖

劉名厚基以同治戊辰總  
兵延綏時陝回倡亂馳書

蒙古七旂盟長巴達爾乎會  
哨互援邊境以安遂作是圖

絕域屏藩斥堠通邊關兵馬捷書同烏孫從古依都護  
回紇於今識令公鎮北臺前秋脫劍榆林府紅石  
峽有鎮北臺安西

府外夜鳴弓。畫師豈解憂勞意。只寫英姿阿堵中。

鏡海到京奉贈

才過陳同甫。狂於杜審言。一官仍輾轉。餘子盡飛騫。春色還尊酒。星文動國門。論交存藥石。篋筆不辭援。

奉贈張

祖同

雨珊

百照

治秋

海內數詞客。君家不可當。每瞻荆樹秀。祇益脊令傷。閱世信窮達。論心俱老蒼。他年編樂府。忝竊配張王。

題雨珊憶琴圖

悼亡也

寒玉泠泠引鳳飛。一朝瘞去鎮含悲。可憐奏曲三終後。不見煎膠再續時。雁叫月來空有怨。雞鳴星爛更無詩。



氤氳懷抱從誰覓。繅盡人間寡女絲。

題吳稱三石筍山房圖

山在醴陵瀏陽之交與大馮山相接

雪峯隱隱秋雲橫。明蘭寺前溪水清。格是靈巖美風景。故應高士殊心情。洞天已入光庭記。石筍重爲杜甫行。盤谷未能從子往。輕衫快馬負平生。

與自菴丈論詩奉呈

百代陶甄共一家。取材毋吝用毋奢。蠶叢鳥道冥心入。牛奮箕張眾口賒。海上點金真有術。山間剖玉漫無瑕。從今著處求雕潤。白雪黃頭敢自誇。

聞雲南迤西肅清口號

昆明欲閉幾經年。況復西行路二千。一自元功歸漢將。  
重令絕域見堯天。聖朝玉斧無勞畫戎隊。銀  
刀莫與權渤海。潁川思理體蒼山。洱水少人煙。

題伯昂所藏書畫冊卽送其之官蘇州

麟角牛毛一例傳。蒼茫今古盡雲煙。流離不釋漆書卷。  
守護誰知石鼓年。世德清芬歸諷詠。零縑斷楮亦因緣。  
月夜靜江南路。定有人知米老船。

聞許生不來會試遙寄此詩

舊是詞章雋。誰言骨相寒。須偕上計吏。苦戀廣文官。浮  
世榮何補。清修道本寬。平生奇賞在。憶爾若爲歡。

送朱次民別

早誦五塘草知君詩有名奇才足文武世德接公卿歸  
楫轉遼海秋風吹薊城幾人能道古惜別苦含情

詠懷古史三首

碭山耽虎踞夾塞駭龍戰先王付錦囊強敵曳組練雲  
屯埽河朔颺舉摧鄆汴寰宇一以清精神動天眷赫茲  
雄武略湛身事荒宴倉皇黃甲軍淒涼赤霄殿千載汾  
晉間聞歌淚如霰不知李天下請讀伶官傳

道君好營造橫絕朱冲子其初所呈進黃楊三木耳花  
石竭應奉內帑恣指使軍國百不關皇恤民勞止吁嗟

市井徒貪橫何足齒誰甘倒太阿坐聽我室毀轉眼金  
人至良嶽生荆杞

古者諫無官敷猷集羣聽分職亦已隘矧乃后自聖維  
皇養士氣培植懼弗勝柰何鋤芳蘭得不害於政中朝  
有權貴疆臣積驕橫切膚一不採箝口眾彌甚可怪庇  
仇鸞怒貶楊繼盛

題龍皞臣詩草

龍名汝霖攸縣人  
知山西高平縣

朔風吹微雪被酒昏不醒畜眼見龍侯使我志氣盛世  
烈蔚通材儒術成健令舊知德業廣近接訶華勝淨空  
波瀾老入冶金鐵迸攀古學陰何步今揖王鄧王秋  
彌之願

言舉高翮側聽敷新政再讀縣居篇私懷國楨慶

次東坡贈段屯田韻東楊

頤

蓉浦同年編修及同

年諸子

弱冠事游覽身行天下半求友無古人重爲杜陵歎卅  
年飛鳥過後者遑可玩懼不齒賢豪勞生逐樗散衣冠

滿京洛文字幾良伴通籍嘉會繁略可操月旦飛卿雲

錦機

溫棣華

平子青玉案

張芝圖

炯炯明月珠魚目不敢亂

粵中交四傑

廖雲翥張夢漁章伯謙及蓉浦

妙質宜薦盥痛矣老羅含

起死無秦緩

羅嶧農近逝

誓將結昆弟及爾終如貫永爲翕

羽助恥作達心懦朔風迫微陽漸可衡土炭青燈映積

雪寒鴉噤孤館長歌激宇宙狂醉自取煖贈子好無衰  
相看玉齒粲

再次韻送章

業祥

伯謙視學貴州

勁風釀燕雪癡雲守天半孤梅能作花時至何所歎章  
侯數相見天球匪褻玩一夜星節明千里霜蹄散前年  
皇華詩同榜數良伴各已返班廬痛飲空達旦提學信  
虜使衡尺在几案況乃入黔方陋俗困彫亂緬維席王  
美道化勤湔盥觀彼民風強柔之儒術緩若人誇俊茂  
秀色光清貫氣鍾陽桂雄才懾何張懦平生傾倒意終  
古無冰炭國彥抽朝班詩流失仙館北輿鹿驛寒南楫

烏江煖若有札翰投無忘贈王粲

閩中催諸同年考較卽日戲東

以下  
甲戌

至公當柄忝趨陪品目低昂總費才  
墜屨何曾雜珠履  
爨薪生恐失琴材  
貪居鎖院清幽極  
空放晴郊景物回  
知否一年春事了  
海棠落盡碧桃開

三月十一日

上至安佑宮看視工程

十年蕭瑟西郊路重見長春拓  
帝家雙鶴凝情饒  
水石倚虹回盼切雲霞  
龍驂非是巡瑤水  
鬼火曾聞照  
玉華攬景可勝弓劍  
慟侍臣休作畫圖誇

偶成二首

寂寂掩深院悠悠對明燭飄風西北來簷雨鳴相續攬  
衿不成寐夜氣蕩暄濁侵晨出門看僮僕睡猶熱庭階  
有鳥跡苔色淨逾綠天桃舒小花豔發如膏沐春期不  
可駐偶與清景逐

去冬斷雪澤祈請圓壇開

皇情實焦勞天意未可

回春雨既已晚及茲亦云佳流膏沃原隔麥苗暢胚胎  
顧念且爲歡兌酒長命杯我人點朝籍勤祝世無災戰  
鬪乃未已西郊歌子來

贈別蓬海

十年九爲別每別在故鄉焉知京華客揮涕西山旁河



魚不同沫沙鳥萬里翔浮雲一出岫飄轉固其常子昔  
困幕府聲名動湖湘世亂慎出處澄懷觀八荒中興佇  
英俊九野無畱良高位豈所羨時來會軒裳桓桓劉大  
府今雲貴總督精識扶棟梁行將設禮羅要子天一方男兒  
自有分雄劍亦有芒去去勿卻顧休言居鄂強南垂氣  
蕭索先務煩更張揮發濟物性隱銷凶狡銳主人吐肝  
膽畫諾待贊襄調停不桷鑿信子夙所長天高白日斜  
雨過朱夏涼揚眉戒徒旅徧迫何足傷余忝鳳池侶致  
身在文章期子盛功名簪毫圖

紫光

送彭

啟商

鑄丞下第後之官貴州卽題其集

彭會澤人

庚午鄉試  
所得士

太息彭生老蹉跎。犯暑行新裁。接騷雅舊夢。入承明。三  
絳才何秀。全黔時再清。從茲妙爲政。亦足樹聲名。

鵲

本以營巢巧。兼之擇木高。爾如識趨避。人豈厭喧嘈。晴  
日矜聲調。青雲附羽毛。帝鄉多喜色。歎息不辭勞。

促織

微蟲元健鬪。入夜乃含悲。階下生秋意。閨中憶少時。動  
人方自遠。在戶爲誰遲。燈暗低搔鬢。來朝白幾絲。

螢

簷暗亂星微。驚人卻早飛。此時湘水外，應較薊門稀。節序不相待，化生潛有機。旅懷愁病眼，何用照書幃。

蟬

羨汝垂綫在，翩翩信絕倫。清姿元不飽，高唱自爲新。午日垂簾地，秋風立馬人。前林多美蔭，去矣莫忘身。

送雨珊扶其世父竹汀侍御之樞還湖南

七十委形元，不恨平生諫。疏挂煙霄我，悲鄉國典型。盡況見君家骨肉凋，陸走素車山徑仄。湖飛丹旆水風驕。阮咸出處蕭條甚，珍重天涯涕淚遙。

送王

寶善

倉文下第還雲南，卽題其集

關舉爭如昔所聞。權衡芻豢徒紛紛。論文我亦失方叔。  
王負時名兼善奇字。余典滇試時失之。問字今誰識。子雲羨爾詩篇供。麗  
落相逢杯酒託。殷勤歸歎重結春草社。社王所倡。儻有當年  
鸞鶴羣。

送綏園叔之雲南

以余分校禮闈迴避

書聲琅琅日盈耳。細字如蠅塞窗几。麻衣雖著不入場。  
累君空走三千里。君言行止總關天。免作安惇失解還。  
功名富貴那足較。拂衣長嘯遊西山。金章紫綬老開府。  
已向陳畱招阮瑀。饑鷹側翅飛著人。從此高材出泥土。  
題郭子澣讀書秋樹根圖卽送之官浙江

郭侯清峻名父子詩酒平生足驅使雲臥莊前秋色來  
郭有山莊名雲臥狂歌大笑拋書起八月西湖莼菜肥使君五  
馬去如飛他年歸過匡山下手種青松盡十圍

書感

十年鎖鑰啟重洋西極陰風動九閩殺運旋開天左界  
驚濤沸起海中央康斯已報朝京洛伯固何緣犯帶方  
諸將斬鯨須努力冥冥氛祲隱扶桑

蒼茫番社未全通亦在皇輿版籍中半壁谿山仍  
土俗百年服食已華風陸渾實與周疆接甌脫誰言漢  
塞同漫意瀛壖拋尺寸天王炎朔極駢蒙

天兄日弟逞浮談遺患元明總未戡變制真成用天竺  
造船翻擬出扶南見傳邪馬戎氛伏豈有貪狼眾怨堪  
橫絕郵支都賴上祇應齋首付陳甘

飛書日夜下

金鑿邊帥曾無一慮殫莫等穴中觀

鼠鬪豈容榻側任人駟古來輸幣非長策海內銷兵急  
繕完玉節幾時清水怪飽聞風雨臥長安

榮兒生喜賦

以下  
乙亥

昆弟四人三短折我身雖在不禁悲每懷先澤宜昌後  
及到中年轉自疑莫把琴書求外姓卽今頭角似佳兒  
無災無難祈天祖喜極回思涕滿頤

子恆到京喜贈

二十年來不入都西山還似舊時無乾坤滌蕩歸儒將

殿閣森沈有畫圖

近有將戰圖於

旨繪中興諸

紫光閣拔戟南

軍功亦壯摠衣

北闕病全蘇濟時未了須公等莫

更浯溪釣徒

恭奉典試江西之

命首塗有作

橐筆承明廬竊祿逾十春愧乏致主術每懷不能餐豈  
分蹇劣姿翩爲凌風翰累預文柄持復忝崇秩遷

召對養心殿微忱竭敷宣遂從使臣後大邦掄才賢  
軒古所尊今職重衡銓矧此人文藪問學有根源歐曾

建楊胡歷代富流傳到今胡闕寂得非有位愆文章雖  
小技實代先民言鑒賞苟有乖風會甯不偏薰陶俟久  
化學臣責尤專煌煌  
高宗訓允與日月懸拜

命辭

金闕還家理征鞍恨無弱弟存安居奉母

歡王程一何促不敢久流連苦戀膝下恩中宵寢難安  
披衣復起去慰言伺開顏明知歸期速惻惻摧心肝戒  
旦徒旅肅出郊塗術寬低田聚鳴蛙高樹響疏蟬西山  
改舊容煙翠滴我前新雨一以沃遠綠彌平原雖無早  
甘澤庶有遲豐年政平返天和感應固宜然明良幸有  
會行役敢告艱永念答  
君親三復集木篇



自新城泛舟至雄縣同潘繹序同年編修作

潘名行桐

南海人

挹袖出遠郭。開襟汎中沚。天風爲長篙。盪舟入流水。橋陰不一度。岸腳方屢屨。穢荒荒蘆葦。交肅肅。鳧鴨起澄波。送煙權斜照。明城市。蒸土哀公孫。憑君問遺址。

河間獻王墓

漢承秦火餘古籍。半散亡。學官不盡立。搜遺賴賢王。藐彼千金賞。珍此寸簡藏。承先道斯存。待後功乃彰。縱云爲其易。用心何深長。俎豆雖不預。千載有輝光。我來拜墓門。薦之椒蘭芳。淮南亦瑰偉。惜爾夸詞章。

董子故里

何年廣川鎮。迺有董子廬。擲簡走長安。縲組入江都。遭  
忌再遷相。泰然保其軀。想彼眉宇閒。道德何充腴。能柔  
暴君氣。不解僉壬狙。才名古爲累。此又足嗟吁。讀書三  
代後。論世一人儒。可惜推災異。流傳呂步舒。

雨至東阿

狂風吹雨過東城。天外山如墨。染成復有回。鷗從後起。  
全移急溜向西傾。垂垂草樹戰秋色。漑漑街渠奔水聲。  
多謝山陰賢令尹。女牆迎謁共霑纓。

深宵

畏日如蒸行復休。深宵燈火赴庚郵。水懷鄒縣連滕縣。  
山拔徐州入宿州。馬踏沙河孤月曙。輿穿石徑亂雲秋。  
每懷靡及皇華義。永荷 恩光愧莫酬。

題苻離集

二十年籌匡復資。焉知一旦擲苻離。臨安盼捷宵衣起。  
正是老臣鼾睡時。

濠梁驛

長淮天塹沸如湯。虎躍龍騰此戰場。五百餘年陳迹盡。  
驛邊殘燭認濠梁。

自店埠至廬州

五更帶月下河梁。禁受西風砭骨涼。宿鷺驚波翻遠翼。  
流螢穿草遞微光。寒呼奴子添新被。臥聽輿夫說戰場。  
太息廬州垂破日。奇才斷送老江郎。

過廬山

九年不見廬山面。省識廬山意。倍親江外向人佳。氣滿  
天西遮道黛容新。便從巖壑探幽徑。已辨煙霞老此身。

騶子告余朝貴宅。蓮花洞側鎖松筠。

德化萬尚書宅在洞旁年七十矣

渡修江作

時苦旱

南來不斷桔槔聲。晚稻盈盈綠未成。直恐塵飛迷宇宙。  
驚看雲起接滄瀛。祠官默禱思靈感。神物高飛重晚晴。

我。把。天。瓢。貯。修。水。馬。前。傾。瀉。徧。江。城。

當食戲作

雞豚滿几酒如澆。欲乞園蔬恐未能。食過萬錢無一飽。  
空令蘇子笑何曾。

鎖院

槐陰鬱繹柳陰清。鎖院沈沈欲四更。坐久不知風露滿。  
秋蟲新試絡絲聲。

寄母

駟馬在門顏色喜。母心送兒三千里。兒身已南心不南。  
日日停輿白雲起。母今雖健六表強。不用扶老相扶將。

日間散步避炎溽。夜來甘寢還貪涼。木落秋深地藏熱。  
況是朔方天凜烈。昨宵風起生驟寒。祇恐被薄衣裳單。  
將以重九放榜前。一夕書此贈繹序。偶談及新修  
滕王閣之勝。故并及之。

憶年庚午初乘傳。長壽虎頭同筆硯。青袍白紵四千人。  
手拔高材充上選。一朝兵氣洗滇海。濟濟英賢赴秋讌。  
汪子告余同志難。他日持衡應請念。羲輪下坂倏幾載。  
與君被命辭。深殿握手千言見。夜鐙論心一  
蓋忘朝膳。邇來文格變已甚。誰挽狂瀾注天壑。功名有  
命君所柄。心目雖疲余敢倦。妍媸略似較美人。洗盡鉛

華見眞面喜從湖口得異石終恐豐城埋古劍重陽已  
近風雨來一夕微寒襲深院桂舒丹藥正堪折菊泛清  
尊催入宴傳聞新閣高插雲好看秋江澄曳練卻思舊  
日飽遊行剛是殘黎脫征戰百廢未舉官私急遺址難  
尋桑海變西山南浦待公來碧瓦朱甍儘題徧人生會  
合有夙分意氣許與蒙深眷李侯其被又一時賀監服  
膺那足羨擲簡聊歌白雪曲傳衣各有青雲彥君看夜  
靜奎宿堂射斗文光如曜電

次韻李藝淵重九偕同人登滕王閣

我是西江舊遊客遊跡如梭驚屢擲春風折柳百花洲

夏雨挑燈通遠驛往還浦口不忍去頗怪長洲太岑寂  
宏中不作誰葺椽安石縱來空著屐今年被命艤

近郭歛見流丹俯無極振衣欲上義不可平視江波無  
盡白重陽已過抽身到坐對西山入煙夕雅遊恨負菊  
花期寒潦不成秋水色輪與名流蚤乘興儘拈清句誰  
爲敵如君例得主湖山笑我何緣挂朝籍碧雲欲合美  
人遠此情只待成追憶祝君明歲趁帆來一枕江樓飽

棲息

藝淵時乞  
假還楚

王鶴樵招飲百花洲奉贈二首

王名嵩齡河南人  
官候補道曾在雪

琴侍郎

軍幕



寒潭鏡空淨如拭。枯荷點綴成秋色。我生三度過東湖。  
一度把酒荷花側。良辰樂事難再遇。不見此花三歎息。  
主人意氣排盛筵。且自追歡莫悽惻。尊前傾倒見二老。  
一是新知一舊識。袖中各各出雄篇。劃若雙峯撐突兀。

胡研生宋小墅  
兩前輩皆有詩

攜之且步入高閣。清風冷然梳我髮。繞

隄密樹俱十圍。知是何人親手植。隄旁有舟誰不繫。川  
廣無人那可越。主人試借組練夫。送我中流棹謳發。  
王時

統領江

軍水師

主人廿年走湖海。鳴雷轉腸霜上髭。卽今從容作領將。  
可記當年失意時。君才可用甯止此。天馬萬里誰拘羈。

我謁主人在青山經年憶少相見期青山明月照鼓角  
樓船鬱鬱望旌旗後來把臂日又密交以漸合終無離  
獨愧我生強奔走功業不建長嗟咨世途偏側眾目短  
語此真欲傾千卮當年幕府淒涼味惟有主人知此意  
祝君他日秉鈞衡勿使寒儒空短氣

胡壽椿 研生前輩贈詩次韻

小惠何千萬象春平生學道久書紳得泉敢效夷齊飲  
濟眾空懷堯舜仁典試者由水程歸舟人攜貨物以陋  
例千金獻子與釋序卻之不可捐作  
有嬰局經費賜詩有恩周萬  
象盡回春之句令人滋愧頗笑腐儒甘菜色煩君高  
論續錢神他年若許來從政或有長裘展覆人

寄郭子澗浙江

臥聞風雨撼江濤因憶錢塘蕩畫橈公子爲官清絕地  
深秋得句好涼宵昨來重九宜高宴曾過西湖第幾橋  
舊識林逋仙眷在孤山應有鶴相招

舟中二首

我本麋鹿性出爲世累嬰天公審位置使我全令名一  
命廁朝列終歲如儒生旣無朝參煩差免職務并奉母  
樂融洩讀書聲呶嚶往來不拘束屈指數友生有時閑  
庭戶終日無履聲內愧倉鼠偷幸異轅駒行一朝奉

命出來道馳旗鉦束縛自厭苦俗人誇寵榮旦暮接

官府抑抑肅送迎。有如作新婦。舉動默自驚。語往心口。  
商意來。顏色承了。不見經濟。亦非肺腑。情有飯不得飽。  
有酒那得傾。頗笑冠帶煩。漫膚汗如蒸。今朝一登舟。豁  
如兒脫綳。急命駕兩槳。晚泊過東城。蕭蕭沙渚靜。涸涸  
江水清。脫巾洗垢膩。散髮倚窗楹。遠看新月升。炯然照  
心明。一笑見真我。堂堂了無營。

我來不使船。我去合乘驛。不知誰利此。謬謂水程逸。相  
沿日已久。懷私各有悅。豈昧濡滯憂。固請卒難奪。秋高  
朔風老。逆浪挾飛雪。進舟不十里。解纜已七日。來帆何  
厯亂。瞥若飛鳥疾。僕子指告余。對此欲愁絕。天工何厚。

薄大運互伸屈快意未可恃一往恐終訕我行且聽天安坐有時達後來相比較彼得我未失萬事無不然此理待披豁持以諭僕子面壁但咄咄

自姑塘行至九江夜放輪船不寐有作

回頭別鞋山揮手上江州非關故欲速取間爲薄遊金焦屹壯觀控扼回深湫歐蘇遺堂在幸免荆棘愁蚤時動高興此願未嘗休庶可窮憩賞裝囊發深秋國家  
狂清時榷符釀深憂外夷乘我隙橫突恣要求到今逾  
十載 聖仁用懷柔遂令萬斛船飛輪動滄洲招商  
仿西製宗英貢良謀雖非要道存利權庶可收捷足資

利涉發機無阻修高巖俛在眼逆浪逝不畱雷聲挾粉  
礮潛龍出九幽騰煙拄天漢棲鳥避林楸一舟擲十萬  
民脂耐窮搜委任苟非人侵蠹亦國讐永歎迫中宵顛  
倒攤衣裘客夢隨轂轉愁心帖水流吞聲不在位理俟  
達者籌且盡明日程臨江閱夷樓

借方

睿頤

子箴前輩遊平山堂

蜀岡聳處畫堂開江外青山照酒杯萬室只今迷瓦礫  
古原何意見樓臺名賢遺迹成今賞詩老芳情問舊栽  
第五泉邊陰洞好盡須翦剔出蒿萊